



VOTA ET MOTIVA A PRO-  
cessu Ioannis Michaelis Campi, Cæsaraug-  
ustæ habitatoris, super appre-  
hensione, in articulo  
litispendentis.

33  
36

CVM AVGVSTINO BAPTISTA SERON.

**I**N DEI NOMINE. Amen. Nouerint vniuersi, quod  
Anno computato à Natiuitate Domini millesimo sex-  
centesimo quadagesimo quarto, die verò quæ com-  
putabatur vigesima septima mensis Februarij, apud Ciuita-  
tem Cæsaraugustæ, & in Camera Regij Consilij causarum  
Ciuium præsentis Regni Aragonum. Interuenerunt Mag-  
nifici Domini D. Vincentius Hortigas Regens Cancellariæ,  
in personam Maiestatis Domini nostri Regis, Doctor Mi-  
chael Thoma Secanilla, Doctor Hieronymus Torrero, &  
Embum, & Doctor Didacus Canales Regij Consiliarij. Co-  
ram quibus fuit positus processus Ioannis Michaelis Cam-  
pi, super apprehensione in articulo litispendentiæ, in quo  
quatuor ex supradictis dominis de dicto Regio Consilio,  
fuerunt voti, & opinionis: Quod attent. content. &c. tene-  
tur & debet pronuntiare, & non obstante reuocatione sup-  
plicata, quæ locum non habet, stare in prouisis, & pronun-  
tatis; & cum his de Consilio in bonis in fine appellitus præ-  
sentis apprehensionis confrontatis, mandare fieri contenta  
in propositione Ioannis Michaelis Campi prin. Vincentij  
del Plano procurat. præstita prius cautione forali, cæteris  
propositionibus repulsis, & reiectis, reseruatis iuribus reser-  
uari supplicantes, neutram partium in expensis condem-  
nando, cætera supplicata locum non habere. Ex eo, & alijs,  
quoniam constat legitimè de possessione, & dominio dicti

A

Ioan-

Ioannis Michaelis Campi, tam tempore oblatae praesentis apprehensionis, quam per plures menses, & annos ante eam, & usque in tempus, & tempore illius continuò, quod ad obtinendum in hoc summarissimo litispendentiae iudicio, secundum foros, & practicos nostri Regni sufficere arbitramur. Reppellitur verò propositio Augustini Baptista Serò prin. Petri Iosephi de los Vayos proc. quoniam de eius possessione legitima, minusq. de tempore oblatae apprehensionis non liquet, quod erat necessarium ut eius propositio, cum iustis oblata in hoc iudicio reciperetur. Denique reppellitur propositio Elisabetis Aznar prin. eiusdem Petri Iosephi de los Vayos, & Michaelis Hieronymi de Rios proc. quippe non probatur vllò vnquam tempore dictum Augustinum Baptistam eius debitorem fundum apprehensum possedisse, ad quod conuincendum, & concludendum, duo permittenda, & supponenda diximus. Alterum idem esse aliquid non probari, vel non legitimè, aut minus legitimè probari. Alterum verò, quod in articulo sexto tripliciter pro parte dictorum Augustini, & Elisabetae debitoris, & creditricis oblatae narratur, & proponitur, nempe, quod Pierres de la Sala, in anno millesimo sexcentesimo quadragesimo praefatum fundum apprehensum possidebat, tritico, & ordeo per ipsum seminatum, & quia Reuerendus Ioannes Olivera, a domo quam possidebat in loco del Burgo ipsum excolauit decreuit in villam de Mediana, vbi antea suos proprios lares habebat se conferre, ad quod faciendum dicti fundi apprehensi seminati cum quibusdam terrulis, quas in dicta villa de Mediana dictus Augustinus possidebat, cum ipso permutationem fecit inter Paschata Resurrectionis, & Spiritus sancti praefati anni millesimi sexcentissimi quadragesimi volentes, ut ex tunc, dictam permutationem suam haberet effectum, ad quod probandum praedicta Elisabetia quatuor produxit testes, alter nuncupatus Petrus de la Sala secundus in ordine, qui super dicto articulo, & primo propositionis eiusdem asserit, se vidisse per aliquos annos dictum fundum

August

Augustinum possedisse, usque ad annum millesimum sexcentessimum quadragessimum primum, quo dictus Ioannes Michael Campi, illum ingressus fuit, arando, seminando, & fructus ex illo colligendo continuò, tunc sic, si per aliquos annos iste testis asserit vidisse Augustinum fundum litigiosum possidere, postea asserere dumtaxat illum vidisse usque in annum millesimum sexcentessimum quadragessimum primum, sibi omnino contrarius, & varius est. Nam à Paschate Spiritus sancti anni millesimi sexcentessimi quadragessimi, quo fuit facta permutatio, & quo incipit videre possidere fundum Augustinum Baptistam, usq. in annum millesimum sexcentessimum quadragessimum primum, nō fuerunt defluxi plusquam octo menses: ergo contrariatur sibi ipsi dictus testis, nam asserere vidisse possidere per duos annos, & postea per octo menses tantum sunt sibi contraria, quare huic testi nulla fides adhiberi debet in nihilo tanquam suspectus de falso, cum in aliquo suspectus, in omnibus censeatur, & quamvis testis sibi contrarius, & varius omnibus modis conciliandus sit, ut varietas, & contrarietas euitetur, tamen quando ipsa est euidens, & manifesta, tunc nullo pacto fit concordia, vel reconciliatio, nisi tantum ad effectum euitandi illum de falso, nō tamen ut probeat, cumq. cōtrarietas, quæ reperitur in isto teste sit præfata qualitatis, hinc fit ut nulla ei præstanda sit fides. Nec refert omnem possibilem debere fieri interpretationem, ut testis dictum potius coadiuuctur, quam cabiletur, & eius des pereat, & quod in præsentia ad saluandum eius dictum, sufficit se vidisse Augustinum possedisse per aliquod spatium anni millesimi sexcentessimi quadragessimi, & similiter per aliquod anni millesimi sexcentessimi quadragessimi primi, ut verificetur, & concilietur eius dictum nimirum, quod vidit per aliquos annos dictum Augustinum possedisse, quamuis non possederit, nisi octo menses, cum re vera partem vnius, & partem alterius anni dixerit, se vidisse illum possedisse. Nam respondetur, quod cum testis dicat se con-



tinuò per aliquos annos dictum Augustinum præfatū fun-  
 dum possedisse, nō potest verificari vti parte, & spatio vnus,  
 & alterius anni, sed per duos ad minus integros. cum illud  
 verbum, *continuamente*, quo vtitur testis, non aliter posset  
 verificari, quæ propter resultat repugnantia inter ipsum, quæ  
 cum sit notoria, & manifesta, vt dictum est, saluari non po-  
 test. Tertius testis qui est quidam custos, nihil circa posses-  
 sionem concludit, nec de ea loquitur, sed de quadam occu-  
 patione melis, & curri eam portantis, quæ nihil ad propo-  
 situm refert. Quartus verò, eodem morbo quo secundus la-  
 borat, siquidem asserit, se vidisse Augustinum possedisse fun-  
 dum per annum, vsque in finem millesimi sexcentissimi qua-  
 dragessimi, cum re vera non possederit, nisi per octo menses  
 ad plus, qui eluxi, siue elapsi fuere à Paschate Spiritus San-  
 cti præfacti anni millesimi sexcentissimi quadragessimi, vsq.  
 in finem illius. Vnde pululat contrarietas, nam dicere se vi-  
 disse per totum annum possedisse, & dicere se vidisse dumta-  
 xat per octo menses possedisse, contraria sunt, & testi con-  
 traria alleganti, & dicenti nulla fides adhibenda est. Primus  
 testis nuncupatus Pierres de la Sala, cui vltra, quod est sin-  
 gularis, denegatur fides propter inuerosimilitudinē sui dicti.  
 Asserit enim in primo propositionis præfacti Augustini vi-  
 disse illum possedisse fundum litigiosum per duos annos  
 & plus, vsque in tempus, & tempore apprehensionis, cuius  
 dictum conuincitur ex dictis suorum contestium secundi,  
 & quarti, qui asserunt, scilicet, secundus quod vidit illum  
 possedisse vsque in annum millesimum sexcentissimum qua-  
 dragessimum primum; alter vero vsque in finem quadragessi-  
 mi: igitur, non vsque ad tempus apprehensionis, vt ipse asse-  
 rit, cum illa vt ex processu apparet facta fuisset die decima  
 octaua Madij anni quadragessimi secundi, & idem affirmant  
 testis Ioannis apprehendentis, quod scilicet ille possidebat  
 dicto tempore, igitur eius dictum tanquam inuerosimile, &  
 suspectum repellendum est, & ad minus multum ei de fide  
 detrahendum, quæ omnia coadiuuantur, fulciuntur, & cor-  
 robo-

roborantur cum eo, quod deducitur, articulatur, & probatur super articulo nono replicæ præfacti Ioannis apprehendentis, super quo quinque testes concludunt, vidisse dictum Ioannem, & non aliam personam fundum, litigiosum possedisse à tempore quo Pierres de la Sala recessit a loco del Burgo, & in villam de Mediana se contulit : ergo dicendum est superiori testium numero probari, & concludi prædictum Augustinum non possedisse, tempore quo eius testes, & Elisabetha asserunt, sed dumtaxat Ioannes apprehendens, sicque tam ex hac ratione, quam alijs desuper perpensis, & ponderatis, nullo unquam tempore dictum Augustinum possedisse fundum litigiosum censemus, & ob eam rationem dictam Elisabetham eius creditricem non posse obtinere arbitramur, & ex his, & alijs atten. conten. ET alter ex supradictis dominis de dicto Regio Consilio civili, fuit voti, & opinionis, quod atten. conten. &c. tenetur, & debet pronuntiare, & mandare fieri contenta in propositione oblata pro parte Elisabethæ Aznar princ. Petri Iosephi los Vayos, & Michaelis Hieronymi de Rios procuratorum, cum expensis iuribus suis durantibus, & eis finitis contenta in propositione oblata pro parte Ioannis Michaelis Campi principalis, Vincentij del Plano procuratoris, præstita prius per partes respectu cautione forali, cæteris propositionibus reiectis, ac repulsis referuatis iuribus referuari supplicantibus, neutram partium in expensis demptis prædictis taxandis condemnando, cætera supplicata locum non habere. Ex eo præsertim, & alias recipitur propositio Elisabethæ Aznar, quoniam resultat ex processu, & præcipuè ex depositionibus testium, scilicet Petri la Sala, & Michaelis Esteuan, pro illius parte productorū, Augustinum Baptistam Scron, à quo causam habetur dominum, ac possessorem fuisse fundi apprehensi, illumque possedisse in anno millesimo sexcentesimo quadragesimo, collegisseque fructus illius, ac in proprios vsus conuertisse, quod cum contingerit post concessionem instrumentorum comandarum, cum quibus agit dicta Elisabetha, nemini dubium

esse potest fundum apprehensum hypothecatum existere pro resolutionibus illarum, nec refert si officiat praeferatis depositiones esse omnino contrarias depositionibus quinque testium productorum pro parte Ioannis Michaelis Campi, qui vniiformiter concludunt super nono articulo replicae, quod postquam Pierres dela Sala mutauit suum domicilium de loco del Burgo ad villam de Mediana, viderunt possedisse dictum fundum Ioannem Michaelem Campi, vsque ad tempus apprehensionis, quod non compatitur cum eo, quod asserunt praedicti duo testes, scilicet, quod in anno millesimo sexcentesimo quadragesimo, viderunt illum possidere Augustinum Baptistam Seron, secare menses, ac collegisse fructus, cum appareat in dicto anno praedictam mutationem domicilij, fuisse factam ante tempus secandi menses, & colligendi fructus illius, scilicet, inter duo Paschata Resurrectionis, & Spiritus Sancti. Nam respondetur, quod praedicti quinque testes non asserunt confestim, vt mutatum fuit dictum domicilium, coepisse possidere fundum Ioannem Michaelem Campi, sed post domicilium mutatum, dictio enim post secundum doctorum censuram equiuoca est, vtrumque tempus significare potest, siue mediatum, siue immediatum pro subiecta materia patitur in confesso enim est in praesentiarum subiectam materiam pati, vt vterque tam Augustinus Baptista Seron, quam Ioannes Michael Campi, vnus post aliam fundum potuerint possidere post dictam mutationem, ante tempus apprehensionis, scilicet, dictus Seron in anno millesimo sexcentesimo quadragesimo, & in parte anni millesimi sexcentesimi quadragesimi primi, & deinceps per reliquum tempus dictus Ioannes Michael Campi, vsque ad tempus apprehensionis, quae fuit praemissa in mense Martij anni millesimi sexcentesimi quadragesimi secundi, & cum hoc possibile sit propter temporis diuersitatem nulla inter dictos testes inuenitur contradictio. Praeterea nec supra dictis reflagatur, quod Petrus de la Sala testis dixerit vidisse, quod dictus Augustinus Baptista possedit fundum per aliquos



quos annos continuos: nam cum non dicat integros, & completos verba hæc verificari possunt in partibus annorum millesimi sexcentissimi quadragessimi, & millesimi sexcentissimi quadragessimi primi, ut patet hoc sensu, quæ verba necessum est, ita intelligantur, nec expressè pugnare videantur, cum illis immediate sequentibus. *Hasta que en el año mil seyscientos quarenta y uno, Iuan Miguel Campi entrò en el, y lo cultivò, y sembrò, y segò;* nam potuit in mense Ianuarij, aut Martij collere, & seminare illum, & in mense Augusti colligere fructus. Tandem, nō obstat alia depositio Michaelis Estevan in eo, quod dicit: *Esto por tiempo de un año, hasta que el año pasado auendolo hecho guebra a los últimos del año mil seyscientos y quarenta, Iuan Miguel Campi se entrometio en el:* quæ verba insinuare videntur dictum fundum apprehensum, sub anno millesimo sexcentesimo quadragessimo, fuisse cultum, ac possessum per dictum Campi, atque ita falsum dixisse Petrum de la Sala in eo, quod dixit possedisse Baptistam Scron per aliquos annos cōtinuos, quod non posse verificari videtur, nisi in annis millesimo sexcentesimo quadragessimo primo: sed facillè respondetur, nam illa verba: *Auiendo hecho guebra*, non possunt applicari, nec referri, nisi ad dictum Campi, qui non fuit ingressus possessionem, nisi in anno millesimo sexcentesimo quadragessimo primo; sed ad Baptistam Scron, de quo prius dixerat iste testis, quod vidit, illum possidere per vnum annum millesimum sexcentesium quadragessimum, quod si in fine dicti anni alius possideret, sibi ipsi contradiceret, nam non esset. Verum, quod per tempus vnius anni vidisset, illum possidere, ne enim sibi ipsi contradicat, iuxta iuris regulas sumenda est interpretatio benignior, quæ magis accedit veritati, & est conformis dicto sui testis. Recipitur etiam propositio Ioannis Michaelis Campi, iure plenij dominij, quoniam de eius possessione fundi apprehensi constat tempore oblatae, & per aliquos menses antea. Repellitur vero Augustini Baptista propositio, quia defuit in proba-

tionem possessionis eiusdem temporis oblatę: cęterę propositiones reppelluntur, quia non probarunt, aut non publicaverunt. Et aliąs attē. conten. &c.

**S**IGNVM mei Hieronymi Segonia, Scriba Mandati  
Maieſtatis Dñi noſtri Regis Caſarauguſta domiciliati,  
auſtoritateq; Regia per totum Regnum Aragonum publici  
Notarij, qui huiusmodi, vota & motiva a libro Regij Con-  
ſilij cauſarum Ciuiliū pręſentis Regni, ubi continuata  
exiſtunt, manu mea propria extraxi, & cum eo benę, & fide-  
liter comprobauī, in quorum fidem, & veritatis teſtimonium  
meo ſolito ſignō ſignauī. Conſtat de ſuprapoſito, ubi legitur  
alijs, &c.